

Gvangjsih Minzcuz Bau

ganhhau: CN45-0036 B.2014 Nd.3 Ng.26 liggaeuq gyapngux nienz ndwenngaih ngeihloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3116期

Cingsih: Haenqrengz Dajcaux Meizdij Vahcuengh

靖西: 倾力打造壮语媒体

Gaenh bi daeuj, Cingsih Yen roengzrengz damqra gij bingzdaiz cienz siusik de, gonqlaeng dajcaux densi Vahcuengh、gvangjbo Vahcuengh, gij siusik densi nem gvangjbo de cienz doh ndaw yienh, gig ndei dwk henhoh nem hungzyangz gij vah minzcuz nem vwnzva conzdungj dangdieg, hah ndei gij dieg daeuz fatsing gangjavah, hawj gij lusen、fuengcim、cwngcwz dangj raeuz ndaej cienz doh daengx yienh.

Densi Vahcuengh vunzlai gyaemaij. Dangqnaq Cingsih Yen Densidaiz hai aen lanzmuz ndeu heuhguh 《Haeuxnaengi Haj Saek》, neiyungz miz 《Sinhvwnz Vahcuengh》、《Hingh Mbanj Raeuz》(heiq mbanj raeuz)、

《Denyingj Vahcuengh》、《Gohgi Vahcuengh》、《Liengz Lauksae Gangj Gojgaeq》、《Baijok Dinfwngz》daengj lanzmuz, moix ngoenz bo seiq diemj buenq cung. Densi Vahcuengh okmoq le gij fuengsik senhconz, yaek senhconz giswngh、fapldw、fuengzre binghaiswh、ciubing daengj, cijaeu loegguh ndei senhconz swlhliu, liuxle youq ndaw densi lanzmuz book, vunzlai mbouj ok rogranz couh rox liux lo. Dangqnaq, ndaw yienh youjsen densi anrag daengz daengx yienh doenghgi dieg daihgaiq miz 25 fanh vunz youq de, densi Vahcuengh souyawj beijlaeh beij lanzmuz wng sang 8% doxhwnj, hai bo bi ndeu couh miz 3 fanh lai ranz gyahaeuj yienh youjsen densi vangjloz.

Gvangjbo Vahcuengh comz sim gyoeb rengz vunzlai. Gvangjbo Vahcuengh moix ngoenz gungh bo cibroek diemj buenq cung, hah ndei gij dieg sang yizlun (ciemq ndei dieg fatsing gangjavah) de. Cezmuz miz sinhvwnz、saenqsik hong cwngfuj、vwnzyi Mbanjcuengh、lizensij daengj neiyungz, aeu gij hingzsik vunzlai gyaemaij de cienz siusik, hungzyangz vwnzyi dangdieg. Gvangjbo sinhav bo ok 50 goengleix gyaem, cienz daengz gij dieg 40 lai fanh vunz youq de, gaeng baenz aen bingzdaiz senhconz fuengcim cwngcwz dangj raeuz、fuzvu vunzlai、swnjcienz nem henhoh vwnzva ndei Bouxcuengh lo. (Yangz Liujcingh Liengz Mingzcingh)

SIUSIK DINJ

简讯

● Ciuq gyoepsuenq, dangqnaq Lingzyinz Yen gungh miz suen gosangh 7 fanh lai maenz, 2013 nienz aen yienh neix ciengx nonsei 4.5 fanh mbaw, doengzbeij demlai 34%; ndaej reh moq 3.6 fanh rap, doengzbeij demlai 38%; canjciz 6840 fanh maenz, doengzbeij demlai 39%. Hoh ciengx nonsei bingzyaenz souhaeuj 15359 maenz, moix boux souhaeuj 3168 maenz. Ciengx nonsei hawj daengx yienh nungzminz moix boux ndaej cinghsouhaeuj 502 maenz.

(Yangz Yenzungz)

● Bi' gvaq Dasinh Yen cizgiz gaihcanj hong boujdiep doenghboux vunzmbanj youq henzguck 3 goengleix doxdauq, fat cienzngaenz bangbouj swngghoz 1055.0304 fanh maenz hawj gyoengqde.

(Fouz Coh)

● Bineix haggeiz moq, Liujcouh Si doenghgi yozyau hawj hagseng mienxfaiq gwn ringz de gaeng miz 1061 aen lo, moix bi roengz 8672.37 fanh maenz yungh daeuj guh gij cienzngaenz hawj lajmbanj yivu gyauyuz yozyau hagseng mienxfaiq gwn ringz.

(Danz Gajhinh)

● Gvaq cieng geizgan, Yungzsuij Myaucuz Swciyen leihyungh seiz saujsu minzcuz baebou, daengz Cibsambo、Gujlungzboh daengj gizdieg Myaucuz guh baebou de hai goq dangz. Cien lai boux dangjyenz ganbu doenggvag vwnzyi byaujyenz、eu fwen、fat swlhliu、dangciengz gangjavah daengj hingzsik, dawz gij cwngcwz hawj vunzlai souh'ik、gisuz saedyungh、cihsiz henhoh gienzleih daengj soengq daengz bakdou ranz ginzcong. Dangqnaq gungh hai goq dangz 20 lai ciengzbaez, 10 lai fanh vunzbaez souh'ik.

(Lungz Linzci)

Denhdwngj: Minzsuz Vwnzva Haeuj Hagdangz



天等: 民俗文化进校园

Bineix, Denhdwngj Yen cizgiz guh hozdung, dawz fouxdklongj cungj foux ndawbiengz de、gij dinfwngz gyagoeng manhdaengjmbwn daengj feihvuzciz vwnzva yizcanj haeuj hagdangz. Guh gij hozdung neix, hawj cungh siuj hagseng ndaej hag rox gij minzsuz vwnzva maenhndei ndawbiengz, engq ndei swnjcienz roengzbae. Ndaw doz dwg 3 nyied 19 hauh, aen yienh neix minzcuz siujyoz cingq youq seiz gogenh hag diuq fouxdklongj.

(Liengz Cwngzfuj Fuz Veijyej ingi)

Sihlinz Yen Minzcuz Yangh Mbawien Canjciz Gyawj Cien Fanh Maenz

西林县民族乡烟叶产值近千万元

Bi' gvaq Sihlinz Yen gyarengz gajjbieng nungzyez canjyez gezgou, cizgiz dazyinx Nazcoz daengj sam aen minzcuz yangh doenghboux vunz diegbya dajndaem gij ien ginghci yauyiz sang de, caemhcai gyagiengz cosih、gyarengz bangfuz, ndoj gvaq duenh baihnaj miz lwgbag、raemx dumh nem duenh baihlaeng mbwn ndat fwn lai, gij menciz ndaem ien、canjlieng mbawien demlai raeuh bae.

Ciuq gyoepsuenq, bi' gvaq Sihlinz Yen sam aen minzcuzyangh 8 aen cunh 20 aen mbanj 145 ranz ndaem ien ciem hozdungz ndaem、sou, gyoepsuenq dajndaem 4000 moux, beij 2012 nienz 2500 moux gyalai 60%. Daj 9 nyied sou mbawien, 12 nyied sou sat, ginggvag song ndwen lai sou ndaej ienmbaw 9016 rap, gai ndaej 931.5 fanh maenz, ndaej gyausui 204.93 fanh maenz. Caeuq 2012 nienz doxbeij, bi' gvaq mbawien

gij soq soundaej、gai ndaej、gyausui faenbied demlai 57.24%、66.85%、66.88%, doenghboux dajndaem ien de moix ranz souhaeuj 6.42 fanh maenz (caengz suenq gak cungj cienz bangbouj). Neix le gaujien canjyez couh baenz Sihlinz minzcuzyangh doenghgi daegsaek nungzyez swngghcanj nem coi nungzminz demsou ndawde diemj rongh moq ndeu.

(Cinz Civaz)